



居

竹軒詩集

目錄

卷三

律詩

七言

寄湖州元顏太守

次韵答馮仁伯

甫里先生

周平叔

丘克莊

題溪山野趣圖

寄越上能仁寺用章



和周伯温

嘉興繆同知

仙山樓觀圖

晚香亭

二月十四日

送馬令尹

題水西寺

賀長洲縣尹馬公

次張仲舉

東饒介之

寄張內翰

題思誠齋

賦得落星湖

錢塘謝太守

饒介之

賀李左丞

萬壑松濤

寄周平叔

再題萬壑松濤

蘇臺

送謝太守

送張師廉

寄題水竹軒

題何永孚瓶齋

七月久陰

題碧梧軒

寄題瑞柳堂

送韓仲讓

賀毅劉中

九月一日

謝王左丞

題覺報寺

送朱煥章

題怡雲軒

東里草堂

送黃觀瀾

送羅成之

送羅季通

八月三日

秋日

送孔士瞻

送張明善

南安周知事

送廣東帥郎鄭彥昭

謝馮仁伯

送馬士瞻

寄靜逸處士

寄題惻隱齋

吾欲卜居海上

送適思誠之

和張仲舉

題漁樂手卷

十一月十四日

賦吳陵鳳皇池

和張仲舉

送傅德潤

送霍仲臯

送盛克明

和周子通

奉寄李子潔

題崔原亭竹深處

經山

題自得齋

送曹元秉

題宝善齋

次陳養吾

送婁所性

送尹敬思

七月十日

蔣文輔

送婁所性

簡西江宋子

題海陵張孝子傳

哭江州太守李子威

哭湖廣省郎中劉遵道

哭御史張彥威

十月一日

得月樓

胡雲夫槎山手卷

送秘書太卿高志道

王彥芳

蓮花鮫

和婁所性

王元剛

和顧仲庸

和黃覲瀾

十二月十九日

寄四明夢堂噩禪師

寄噩禪師

送馬易之

送季平仲

送曹德輔

送劉禹玄

送清淮叟

寄鄭彥章

次碩清逸

和婁所性

六月十三日

寄黃觀瀾

送劉澹翁

和孫行簡

送廬山高齋

送王彥芳

張仲奔

癸巳九日

送徐州李判官

挽王彥達

送詩僧

東宮典寶監知事史仲文

三月八日

介之懷古

送謝叅軍

次饒介之

賦得鉄甕城

送姚鄴鄉

和李克約

送鄭復初

送周草窓

送李周南

送王仲沔

奉寄余廷心

挽孫有道

八月十五日

閏正月二十日

挽郁謙德

寄題本心齋

送淮南省掾王安中

甲午除夜

題觀奕圖

王彥芳

送王伯顏

挽周古善

沙子中監縣二子善才善慶

和崔元初

桮雲亭

六月二日

小軒有菊

安慶大節堂

次饒介之

題太湖李尹所收余廷心元帥書

二封

送拔寔彥鄉

夜泊長橋

燈下有感

金溪葛氏二孝烈女祠

居竹軒詩集卷之三

律詩七言

寄湖州元顏太守時有福建叅政

之除

萬里中原路未開誰傾銀漢洗氛埃諸公
多向江南老遠使頻從海上来九月溪寒
鷗夢熟三山秋暝霍書回莫揮白髮新亭
泪且醉烏程若下杯

次韵答馮仁伯

閉門風雨過重九却憶同登江上臺獨客
詩成扶病起故人書到拆封開自憐風物
隨南土誰有文章落上台黃菊紫萸渾未
見興來聊復舉吾杯

甫里先生故宅是時馬縣尹葺其
廟

太湖三萬六千頃一代高賢獨此翁故宅
有僧茶荈在荒池無主鴨闌空松陵唱和
知誰再葺屋襟期與我同最愛長洲馬明

府艱危猶自挹高風

周平叔夜宿崇明寺海雲樓偕羅
成之隱君文長老及盧隱君以沙
頭雙瓶為韻各賦詩四首次韻卷
後

滄洲三月住星槎聞訪青原隱者家四老
詠歌能玩世百年聚散若搏沙飢來且食
書中粟老去空悲鏡裏蒼明日分携各努
力暮雲回首隔天涯

其二

老去無日接勝遊
題詩頗寄海雲樓
天空直與海無底
雲起正當樓上頭
黑水幾程通直谷
青山一髮是瀛洲
高明境界無塵到
撫卷令人咏未休

其三

天台老衲兩眉龐
自起高樓枕石扛
煮茗別開留客處
論文多近坐禪窓
冥鴻散去猶相逐
獨雀飛來不作雙
明發仙舟上霄

漢定傳詩話滿滄江

其四

天水空明接杳冥
老禪三昧解通靈
欲將東海為平地
盡捲西江入淨瓶
宿靄微分沙鳥白
晚風猶帶毒龍腥
他時月夜來相覓
笑指狼峰五朶青

丘克莊敞雲樓

君家樓外雲如海
五色輪囷掃不開
每就月明簷下宿
更隨秋色座中來
瓊臺夜雀

迷蹤跡玉女春衣費剪裁看汝乘將朝帝
所奔頭西北是蓬萊

題玉巖上人溪山野趣圖

流水淙、石齒、滿庭雲氣欲模糊白鷗
溪上秋多少黃葉山中路有無十月雨深
漁屋破三江風急野航孤年來難覓幽居
處空向晴牕看西園

寄越上能仁寺用章俊禪師

幾年卓錫住茗溪一日尋山入會稽蒲室

塔曾藏舍利道林堂已種菩提空中雲氣
開樓閣門外湍聲雜鼓鼙草木變遷吾老
矣隔江南望轉淒迷

和周伯溫叅政九日南園宴集詩
二首

步履嶮巖若跨鰲望中詩興與秋高西山
拄笏東山屐右手持杯左手鰲返照入湖
明塔影斷雲將雨過林臯松間飲散歸來
晚金粉霏、濕錦袍

范相南園五百秋
重來訪古轉多愁
啼鳥樹老臺空在
飲馬池荒水不流
芹泮好從多士樂
桂叢誰賦小山幽
諸公高會詩如錦
授簡安能接勝遊
嘉興繆同知號菊
陂曰賦

傑哉霜下轉精神
一色中黃不染塵
老圃看花迎宰相
秋潭分水候仙人
千年東里歸何早
九日南坡賞在昔
神農書上

藥至今醫國慰斯民
馬瞿詹夫題張伯雨外史評王子
久西仙山樓觀圖

陵谷東南幾變遷
瓊臺仍在白雲邊
閻浮世上今何日
句曲山前第八天
說法久要狂外史
揮毫曾識大痴仙
人間俯仰三千歲
撫卷題詩一惘然

賀明叟晚香亭

幽香分得東籬本
每候開時九月前
晚歲

誰從陶靖節高風獨數傳延年清秋泛酒
賓筵盛白髮簪花客帽偏若個芬芳同老
境魏公佳句至今傳

二月十四日風雨孤坐秀州城西
僧舍賦此

秀州城西春事微二月苦雨行人稀江湖
渺然不可渡風雨如此將安歸老來口腹
胡為累亂後人民今見非兼旬不得武林
信倚杖南望孤鴻飛

送馬令尹任滿

長洲赤子窮無告正賴郎官為撫摩兵後
人家獨未耜日長官社有弦歌越來溪上
波聲小魯望祠前月色多自古長才須大
用薦書元不待常何

題嘉興水西寺燕溪樓寄新仲銘
長老

新公邀作燕溪遊為說前朝有此樓雲氣
遠開天北極風光仍在水西頭虛簷古瓦

緣蒼鼠曲洞輕波漾白鷗宸翰僅留飛白
在煙塵漠漠使人愁

賀長洲縣令尹馬公除樞密院都
事

報政期年上者書君才端合應時須三公
掾屬多為相兩府郎官半是儒夜帳論兵
銀燭撫春庭稱壽綵衣趨蒼生久墮巔崖
苦定有嘉言贊廟謨

次張仲舉侍讀韻

詞源浩々倒岷江直筆如公世少雙目下
十行千字過身長九尺兩眉龐世間忠烈
應知感地下姦諛豈豎降老客中吳最蕭
索白頭猶爾讀書牕

東饒介之

魯連不為商賈事賀監自是神仙人解紛
排難乃豪傑嗜酒狂歌非隱淪燕雀一生
謀水食鳳凰千仞出風塵太湖之水東作
海之上桃花樹々春

寄張內翰

中原不見舊山河使節仍煩涉海波天末
草烟春信早江南風雨客愁多諸公擬獻
中興頌壯士寧忘勅勅歌萬里相忘成永
決白頭蕭索柰公何

題王仲德思誠齋

六鑿相攘揔失真一誠無妄見斯人指揮
直擬回天地祭祀還能給鬼神別室著龜
先兆汝前楹鳥雀自相馴明年執玉朝廷

上會見尊嚴動縉紳
又

愛汝端居入靜思察機尤在未萌時天人
孚感元無間物我交攻每日持行遠升高
應得已齋心浴已固知之屈伸洞見陰陽
理榮瘁休慙風露松

賦得落星湖送瞿庸夫任滿還鄉
作

南湖北湖春水多隕石下築神龍窩渚花

汀草各無賴雲影天光相蕩摩天星勸汝
一盃酒海月聽我千年歌斗牛之槎若可
待送子八月乘銀河

錢塘謝太守有書見邀作此詩以
謝之

一棹遠寄楚狂生上有錢塘太守名堆案
几時疑是夢焚香三讀見高情五湖風月
曾賓主四海文遊摠弟兄少待西風漸涼
後六橋荒蘚尚堪行

饒介之有詩見貽次韻奉荅

一夜南風約曉晴看山如在越中行丹藏
別室生虹氣嘯入空巖作虎聲倒澗枯松
留古恠懸崖飛瀑漱寒清神仙若個能千
歲吾欲崆峒問廣成

又

數日南風陰復晴飯餘閒繞綠陰行竹間
病鶴褊褊影池上驚魚撥刺聲老子鬢毛
如此白道人心迹本來清能詩誰是周公

子學得陰何五字成

賀李左丞再入中書

上公開府馭群英妙算神機屬老成裴度
向來歸綠野謝安重起為蒼生朝廷約法
三章舊天地功成百穀盈不有武功除暴
虐豈無文教答升平

萬壑松濤為部彥清賦

草堂夜聽松濤誰挽滄溟壑樹梢雷谷
震驚龍換骨風林搖蕩雀傾巢玉山月白

簫聲雜銀漢天清劍氣交我與周弘同洗
耳乘槎便欲渡三茅

寄周平叔就求蒼耳子

周侯久不通書問夜滄江入夢頻五月
采來蒼耳子幾時分送白頭人沙頭酒熟
田毛足港上船來海錯新南北相望千百
里老來幽獨倍傷神

再題却彥清萬壑松濤

秋入空山萬竅鳴山前山後亂潮生不知

天籟非人籟却認風聲似海聲直榦也隨
羊角旋高枝唯恐雀巢傾畢宏韋偃還聽
否慘淡經營畫得成

蘇臺晚望

野色蒼茫落照中荒臺扶杖倚秋風延陵
百里吳封舊震澤三江禹迹空濁酒更須
澆磊砢黃金不解鑄英雄側身北望中原

近幾

神州正朔同

送謝太守平江省親迴武林就送

鸞酒之既

五馬既秣車載脂上堂欲別還遲々拜家
已得阿母喜還郡即慰邦人思幾年東閣
旧傾盖今日西湖誰賦詩野翁慙無一字
補輒敢寵鸞臨墨池

送張師廉歸富春

讀書不逢萬乘尊獻策豈傍諸侯門放歌
蘇臺晚山碧濯足太湖秋水渾千金未易
買駿骨一飯何足哀王孫風塵拂衣且歸

去高卧桐江雲水村

寄題海上積善庵水竹軒

水閣雲廊深復深開軒綠霧常陰陰涼骨

濯足月在港清晝讀書風滿林食笋也勝

魚肉味截筒誰作鳳皇吟清涼更在聲塵

外夜々海潮生妙音

題何永孚瓶齋

井湄湏問揚雄酒松下空藏智永書一日

挈之來市肆百年將汝置齋居龍泉旧物

魁名在崔髮仙翁手澤餘我亦有瓶誰撫

玩新詩題罷轉愁予

七月久陰十日甲子復大雨

七月十日甲子雨徹夜簷溜無休時野老

驚呼后土濕秋田仰望皇天慈饑烏覓食

亦散漫病崔頽影空禡澌青泥沒展不可

出蝦菜何以供晨炊

題黃岡賈彥德碧梧軒

賈誼井西梧十尋百年秀發根株汲銀床

分潤長新葉翠竹交枝成好音季春花香
自零落高秋雨氣相簫森何當臨軒坐白
石為子載歌孤鳳吟

寄題松江徐君瑞柳堂

稚柳一歲高于母濯々風流健似人九烈
效靈連送客三眠扶起並留春狀如車蓋
生來異色比宮袍染更新入對長楊應未
晚馬前飛絮撲香塵

送韓仲讓都司梁溪督兵防秋

今人勲業古人心五馬梁溪恨滿襟兵識
謾傳山有錫軍裝端信橐無金風高古壘
黃花晚霜落平原白草深南省相君方倚
重邊廷窮虜敢相侵

賀毅岡中長老任承天禪寺詩二

首

十刹親題請疏閑法筵擊鼓動春雷自離
南楚傳燈後重為東吳倡道來兩柱承天
行日月六鰲從地湧樓臺靈山諸佛生歡

喜散作祥風遍九垓

二

海上東來轉法輪
祖衣傳久色逾新
携將天目山中雨
洒向蛾眉石上塵
行道要從無佛處
開堂須着有緣人
等閒拈出菩提子
百草千花不當春

九月一日寄謝太守

出入侯門五見春
每承分粟濟清貧
託交獨喜君知我
臨老猶將子累人
公論幾時

令捧檄私思有日
效扶輪魚書一札
珍藏
在白髮西湖願卜隣

謝王左丞鷺酒之惠

深巷曾經顯者過
春風披拂到松蘿
右軍墨沼籠鷺在
左相官瓶送酒多
鄉井未忘生處樂
江湖猶賦醉時歌
階墀久不投名刺
柰此衰翁老病何

題堯報寺茂元長老白雲窩

白雲窩裡爛如銀
不住虛空著幻身
跌坐

也教龍入定巢居還許雀為隣自緣色界
閑來往誰與天香作主賓若問吾家安樂
法老夫曾學避華人

送松江朱煥章之烏程令尹

新除令尹烏程去霜落湖田十月初貂帽
錦衣懷印綬青簾白舫載圖書到官先謁
將軍府省俗仍陪太守車東望吳淞三百
里莫因尊繪賦歸歎

題元上人怡雲軒

白雲本是山中物暫與山僧作主賓爾解
自舒還自捲我能無喜亦無嗔半間莫惜
分餘地一籠猶思贈遠人句曲有家空在
望卜居何日許為隣

王唯賢東里草堂

平安二橋吾舊遊君屋乃在橋東頭晚山
得月更宜酒春水到門還放舟太守詩成
寫素壁老夫興發思滄洲淮南叢桂不得
往撫卷因之生遠愁

送黃觀瀾尚書吳伯尚廉使之江
西征討

白髮儒臣着武冠公卿相送出朝端恭承
斧鉞行天討喜見旌旗擁夏官直北聲名
從此振平南籌策有人看虎皮會見包戈
甲十郡蒼生奠枕安

又

江西寇盜本王民正賴諸公為解紛使者
精忠懸白日尚書高義抗浮雲喜傳天上

旌旗出肯使山中玉石焚千古魯連高世
士尚將談笑却秦軍

送羅成之移居崇明其子季通亦
之本州校官

先生八月乘烟霧妻子同隨母上槎太守
賓筵先肅客廣文官舍即為家波濤浩蕩
藏陰火島與微茫接太霞聞說三洲多藥
草可能無意到丹砂

送羅季通之崇明學政

海上孤舟作令官也知清選重儒冠秋潮
好掣珊瑚網曉日休歌苜蓿盤士子幾家
能食祿汝翁早歲已遺安老人亦有乘桴
意僦屋西沙度歲寒

八月三日書所見

青軍黃軍日自鬪西城南城門不開諸侯
相對面似土今我不樂心如灰飢鳥在澗
喋無語蒼蠅滿案從何來年衰但願飽糲
食意到聊且持吾杯

秋日登甘露寺晚眺

醉裏摩挲望眼開江天寥落暗風埃猶聞
西府兵麾滿不見中原驛馬來今日賈生
須痛哭當時祖逖是英才翩然一笑下山
去試看高僧話劫灰

送孔士瞻憲史考滿歸曲阜

素王之後多賢者清稼今為幾代孫能以
紀綱持憲法每將節義荅君恩江淮一道
風霜肅汝穎三秋霧雨昏不有俊良當世

用可無章疏達天閣

送張明善歸武昌隨之移家眷入

蜀

對酒悲歌泪滿衣
楚天搖落又斜暉
風塵萬里與君別
江海一舟何處歸
老去且留吾舌在
愁來長惜壯心違
臨歧不盡平生意
沙苑無雲雀自飛

南安周知事瑞雀

歲々双栖傍主人
昔年誰与號嘉賓
應圖

夜半啣環報不比
堦前得食馴公幹
題詩猶未遠不疑
作頌祇如新
東風更得周郎便
看尔翻上苑春

送廣東帥郎鄭老昭貢香藥入京

詩一首

萬里番禺入貢來
過淮一日到蓬萊
海中藥草無人識
天上桃峯有處栽
聖代賓興方重士
星郎年少况多才
也知白璧虞卿禮
犹在黃金郭隗臺

謝馮仁伯送米與舒鴈

短髮晨梳雪幾莖老來那復愛虛名只憑
藥餌扶衰朽更藉詩篇寫性情天地此心
唯報主江淮多事尚聞兵香粳分得誰相
送舒雁籠來未忍烹

送馬士瞻帥接高擢

風塵如此送君行念尔才華獨老成軍旅
未聞忘姐豆掾曹多見到公卿滄江日射
旌旗影紫閣風悲鼓角聲玉塵談玄何事

業雲臺圖像是功名

靜逸處士顧仲庸

還堵蕭然一室寬只除詩酒寄清歡瓶中
有粟分寒士袖裏無書上熱官楊子暮年
空識字龐公早歲已遺安先生獨卧風塵
表吾欲相從接羽翰

題周子端惻隱齋

此心隨感與天同念尔斯人水火中拯溺
未能空下涕救熱何以自成功百年底事

多殘忍四海于今喜擴充將見運之于掌
上世間無物不春風

吾歎卜居海上未有定止先作詩
寄劉子彬

湍目風塵祇自憐輕裝已辨有行纏也知
避亂依城郭更歆移家傍渚田紫步于今
無士馬滄溟何處有神仙桃源只在人間
世還許漁郎放釣舡

送遠思誠之盱眙教諭

年々送人作校官也知當代重儒冠固因
學舍人才盛自堯戎藩禮數寬一縣士風
今日見百年師道後來看淮山堂上清于
水莫遣驚塵到杏壇

和張仲舉博士見寄至日詩

衡門風雪人稀到一箇幽軒竹四圍半子
送年將舊酒諸孫迎歲索新衣驚鴻此日
猶南去老宦何年共北飛却憶太常張博
士天香携袖早朝歸

題漁樂手卷

江湖如此兩閒人除是玄真與李真長笛
自吹皆古調短蓬相並即比隣科頭不異
今漁者托迹空聞古逸民亦有淶陽湖上
客買舟來約理絲綸

十一月十四日有感寄江州太守

李子威

清朝如此盛公卿何以攄忠荅聖明數月
未收蘄水賊一時誰散武昌兵朱門旧邸

空文藻黑夜歸舟有笑聲獨使狀元賢太
守至今猶捍九江城

又

邊報傳來寔失驚妖氛獨不犯淦城義兵
一日同生死信史十年托姓名別戍幾人
迴士馬滄江通夜走公卿九州尽得如公
者始信文儒有老成

賦吳陵鳳凰池送陳子成

蓬萊閣前春水生丹丘之鳳雙飛鳴滄波

照見雲錦色碧落散作簫韶聲豈無仙人
下刷羽亦有隱者來濯纓池上于今望吾
子一曲陽春歌太平

和張仲舉五月薦櫻桃之作

四月上林蒲笋出玉堂風致一時新也知
天上櫻桃宴不致山中草莽臣皂帽醉歸
當此日金盤分賜共何人吾家一樹紅堪
摘取薦春醪莫笑貧

送傅德潤陪將作同知武昌買馬

回京

維揚館裏送軺車却笑分携八載餘天使
出求沙苑馬星郎厭食武昌魚數鞭已報
充華廐上冢毋忘過日廬老我平生無駿
骨可從郭隗借吹噓

送霍仲臯還京

驛程萬里入皇都還過梁城取別途天下
軍需何日了淮南民瘼幾時蘇求田問舍
非良策憂國忘家是壯圖黃閣相君應有

分問願聞一語贊嘉謨

送盛克明辟掾浙省移家吳興

十年三送滄江別此日分携又不同
辟掾遠趨青瑣闥移家喜近水晶宮
勿論後會知何地且念離羣獨老翁
幕府即君應問詢為言憔悴坐詩窮

和周子通助教同張元禎倡和詩

卷子

懶性何堪接貴遊松江之下每科頭不能

取友山中社更欲移家海上州
老去生涯清似水興來詩思淡于秋
玉堂傑作難為和白首狂吟祇自愁

寄李子潔憲副時湖北殘破却于

太平開司

武昌遺老望旌旗正是諸君報國時
令弟九江全死節明公南海有生祠
臺中妙選丘山重湖北先聲草木知
一道憲綱還旧觀真儒端可佩安危

題崔原亭竹深處予家有竹數竿
人曰之居竹軒原亭城兩時而則
有竹亦數竿則人號之曰竹深處
予與崔君通家來往所好相同故
及之

居竹軒中也自寬不愁無地著琅玕文公
胸次空千畝李洞門前只一竿天与老夫
醫惡俗日憑童子報平安崔家別墅尤高
致遲子歸來守歲寒

徑山法城禪師高第善上人以楚
章為號因題卷後

從向經山禮法城善端開後愈分明千年
楚國非無寶一個吳僧得此名江月自隨
行道影風林猶聽讀書聲舊家白雪親曾
和處叢林得散行

題丹陽郵隱君自得齋

天宇清明淑氣微昔年曾約試春衣傍花
隨柳無人識美月吟風只自歸達士一生

且好飲老夫六十始知非陶然不得從君
樂注目滄江白鳥飛

題楊學訓魯元秉歸漂水

先生武惠之子孫粹然言貌如春溫清門
為庶忽老大白首窮經猶討論諸生分題
候堂試二膳擊鼓供盤食今晨拂衣不肯
住與在江南山水村

題蘇文仲中宣使寶善齋

星郎自是魯璠璣寶善稱之信不誣豈與

黃金同日語合登清廟應時須澠池漫說
連城壁滄海空傳照乘珠何似人中無價
者君家先世有三蘇

送婁所性歸漂水者

大學小學列六齋先生講席多英才公堂
斯鼓會食罷門榜月錄分題來清時如此
教養備老夫一見心神開束書胡為賦歸
去石田未必荒蒼苔

陳養吾寄韻

我本滄江樵牧人却憐垂老見風塵邊城
笳鼓傷心近野寨旌旂入望新四海正歌
垂拱日百年猶憶至元春艰难未改心如
鐵潦倒空悲髮似銀

送尹敬思令尹歸青州并序

敬思令尹早歲從遊中山王京
南之門晚歲致政歸田閉戶著
書重來廣陵倏四十八年出其
所著文學集註有功于後學多

矣乃兄孝思憲僉亦被召可謂
難兄難弟詩中故及之

玉雪丰神未七旬江淮誰識舊儒臣眼空
四海歸何早胸著千年汲愈新從學王門
唯此老發揮朱子更何人青州門外京華
近吾欲相從一問津

又

憲簽被旨方備律令尹歸田獨著書一代
儀刑留製作十章條目補遺餘青州高起

耆英社白髮同乘澤下車不得清風接芳
躅可憑短札問何如

七月十日浙省有警懷羅善先掾
史後聞使閩未回

淮楚風塵可奈何南州又復動干戈三山
城郭故人遠八月江湖夜雨多白髮滿頭
同老境滄洲何處可行窩裁書欲問平安
否海闊天高雁未過

蔣文甫以其祀親之室扁曰思齋

時余方哭母故及之

老去思親十二時燈前猶誦蓼莪詩蒸嘗
彷彿歸來也顏色分明夢見之尚寢不忘
晨起早倚門誰念暮歸遲多君苦行多于
我忍聽長原楚些詞

送婁所性迴金陵別業

楚甸驚塵滿客衣古之賢達在知機山中
桂楸我將老江上草堂君獨歸刁斗連城
嚴肅旌旗垂野淨輝金陵酒熟還相

憶莫遺詩筒信使稀

簡江西宋子與令尹揚翼之李斯

五二先生

八月涼風催早寒家山空憶路漫漶滄江
無處問書信白日何人生羽翰曉霧瘴天
迷故國夜潮流月到長干諸君莫責王夷
甫我輩深慙管幼安

題海陵張孝子傳

孝子張起其父幼失怙恃淮土

兵革悲其母失散三十年行求

四方得之濟陰

汝翁早歲值風塵與母分離三十春遠道
求之疑隔世高堂喜極轉傷神干戈滿地
方多事骨肉全家有幾人甚欲題詩歌孝
子老懷輿感恐沾巾

哭江州太守李子威

將帥愴惶忽棄城孤忠何以獨支撐尚聞
傳檄誅狂寇猶自開倉舉義兵千古報君

心未死九江圖像面如生
至今月黑匡廬下
彷彿悲風有戰聲

哭湖廣省郎中劉遵道

百年正氣此銷沈
空使諸公淚滿襟
厚地無人收白骨
皇天有眼識丹心
親王兵衛終難倚
太尉樓船不可尋
一自岳陽開省後
更無消息到于今

哭御史張彦威

平生恨不識張桓烈
轟轟御史官生有

高風驚海內
死無遺憾負臺端
盤根錯節于今見
孝子忠臣後代看
一片汝陽城下土
何人高義葬衣冠

十月一日聞徐州復

黃河不解洗彭城
空使群兇起鬪爭
一載始通南國貢
三山猶駐朔方兵
寄奴故里人何在
亞父荒陵土欲平
却憶朱陳好村落
幾時烟雨看春畊

王彥芳得月樓

棟宇依稀接廣寒
通宵月色好相看
人間塵土無來處
天上神仙正倚欄
子晉吹簫秋引鳳
嫦娥飛珮夜乘鳶
興來擬借清光便
碧海三山振羽翰

胡雲夫槎山手捲代人作

故山西望白雲飛
幾向江樓倚夕暉
蒸秋只隨浮世在
草堂終待主人歸
長開篋笥看華翰
不遣風塵上彩衣
今夕羽書連報捷
燈花先喜到親闈

送秘書太卿高志道總戎淮西

秘閣儒臣讀武經
親承齋斧下清冥
魚龍出海瞻卿月
牛斗迴天避將星
掃蕩妖氛清社稷
指揮能事速風霆
玉堂豈少昌黎筆
重刻平淮第一銘

王彥芳逢春塢

雪窓深鎖不曾開
却似陽春有脚來
瓊澗每從天上見
杏花多近日邊栽
任教南國芙蓉怨
莫遣東家蛺蝶回
小圃無多閑草

木也分生意癸枯茲

蓮花鮓為顧從母夫人壽

采苓曾入水雲鄉誰有仙人服食方分餉
恰如芦菔味開包猶帶芡荷香瑤池阿母
親曾造画漿吳姬恐未嘗更折碧筒來送
酒一時稱壽獻高堂

和妻所性見寄韵

想見滄洲白鳥雙寒潮依旧落空江移家
有日同春酒剪燭何人共夜窗欲寄短書

心未展每傳佳句意先降吾家歲晚風流
甚雪後冰壑尚滿缸

王元剛竹所

手種新梢已拂雲滿林蒼翠亂紛紛龍蛇
影動當窗見鳶雀声來隔座聞東里先生
常直造西隣隱者欲平分滄江歲晚多霜
雪與尔知心獨此君

和顧仲庸韵兼謝送米

醉裏高歌若有神山林無處着閒身飢來

欲問滄松者老去猶為乞米人
織女機空星化石麻姑酒盡海生塵
洒清溪上梅花發誰共先生醉好春

和黃觀瀾軍前見寄韻兼呈高志道祕卿

干戈久動阻淮濱喜得邊庭捷報真東海
魚蝦初入饌中原桑棗半為薪祕卿船未
移渦口左轄軍先入壽春多少手無兵
者可憐猶是賊中人

十二月十九日北門書所見

歲云暮矣北風涼獨立高樓望大荒
霧氣似塵黃作色日輪如血赤無光
經綸尚有諸公在韜畧元非我輩長
憑仗天威驅號令由來和氣致休祥

寄四明夢堂靈禪師兼簡用堂上人

五山十刹鬱嵯峨獨愛溪堂隱薜蘿
淮海故人今有幾江湖尊宿近無多
不聞毛女

求詩去每見倭僧問法過說向梗公重相
憶碧雲日暮奈愁何

寄匪禪師四十年前在天寧方丈
魯求賦毛女詩

短杖輕包歸去來水雲多處少塵埃一春
海鳥依簷宿五月溪蓮繞舍開雲外送僧
歸日本月中携客過天台衰翁不得瞻圓
相猶望新詩托雁迴

送馬易之回四明

兩水經旬雪復作巷陌春泥斷往來東海
祇留詩卷在南湖誰送酒船迴自慚白髮
殷懃別可惜瓊花次第開我憶慈溪舊遊
地不知淮泗有風埃

送季平仲教諭回通州

縣庠官滿將歸日聖代賓興大比年脩傍
已聞居第一前程誰謂隔三千茲晨斂影
黃塵外後夜書聲碧海邊少待秋風業桂
發鹿鳴看尔赴初筵

送曹德輔州判率淮農三百人赴
畿內墾田之行

茱萸灣上發官航農事相催入帝鄉玉雪
丰標多似舅風雲意氣已為郎諸公妙笑
回天地百穀神功叶雨暘來歲隨班見明
主定頒寫誥錫高堂

送劉禹玄州判率農夫多人詣畿

墾田

京畿華壤盡提封開闢掄枋獻九重使者

傳宣來萬里郎官分戡領三農江淮四賦
方全免邦國軍需足上供今日送君歌此
曲廟堂無復慮年凶

送清淮叟上人遊五臺

鴈門西畔是靈山山作青螺五髻鬢春日
花開殘雪裏僧房人在白雲間善財叅問
何時遍文暢嬉遊幾日還淮海清公更瀟
灑早將聞見動禪關

寄廣平太守鄭彦章

湖山阻絕三千里臺閣勤勞十五年黃霸
終然為宰相赤松老矣號神仙洛陽城裏
還無屋洛水村中好問田走也侯門旧賓
客白頭不得与周旋

次顧清逸見寄韻

滿目干戈獨損神古之忠義不謀身杜陵
白髮空憂國王衍清談已誤人城郭祇今
餘瓦落村墟何處避風塵妖氛不到西清
上千楸桃花別有春

和婁所性韻就謝寄漢帖二本之
詩

兩帖真如白壁双山靈呵護過滄江不知
明月生春浦每恠晴虹貫夜窻老去祇留
詩卷在愁來寧受酒杯降竹軒近喜多風
致活水栽荷滿石缸

六月十三日聞邊警甚急有感而
作

邊風六月作秋聲世事驚心百感生臺閣

故人猶嗜酒問閭小子亦談兵紅巾似草
何時盡白骨如山幾日平甚欲移家渡江
水老來幽獨最閑情

寄黃觀瀾經歷時率八衛漢軍屯
盱眙

秋滿東南第一山古來賢達幾登攀兩城
樓閣西風裏八衛旌旂北斗間羽扇綸巾
君未老麻衣草座我空閒閉門擬撰平淮
頌河上來看奏凱還

送劉澹翁總管歸江陰時年九十
歲

魯侍家君接勝遊于今復見舊風流江湖
諸老半黃壤鄉里小兒今白頭車馬在門
為客好干戈滿地使人愁芙蓉城內宜高
隱叢桂山中莫久留

和孫行簡夜宿萬壽山經閣詩韻
二首

蜀岡縹緲之飛樓風簾霧箔懸高秋雲間

五色孤鳳下木杪幾個玄猿愁書生素有
萬言策主人贈以千金裘滄江坐嘯者誰
子碌々虛名何足收

又

九曲池邊有秋色水光蕩漾清于苔白雲
相邀上山去明月更喜隨人來一聲兩聲
松子落千朵萬朵芙蓉開老僧悟我靜中
意不遣堦墀留俗埃

送廬山高齋赴南康監郡時兵火

之餘在吳城山開司

公昔騎麟下星渚前身恐是匡廬君孤城
遺老窮無告太守真符喜見分彭蠡帆檣
明夕照吳城旌旆拂秋雲明年春殿論功
賞傳奏先將姓字聞

送王彥芳之南臺御史

南臺二十四松廳上應微垣執法星定有
威名清廣海豈無章疏動朝廷鐵冠精彩
還簪筆寶劔磨礫始發研竹下明年候駝

馬也應旌節照林垆

張仲舉博士書來言其老健能夜
書小字仍飲量不減喜而賦此詩

錄上

一秋兩得平安報讀罷寒暄喜不勝花底
振衣清似宿燈前書字小如蠅蛻仙道骨
無人識博士官衙此日升江上尊鱸好時
節豈無清夢到吳興

癸巳九日

今年九日無一錢
杞菊滿院秋始
閉門不出何所作
抱膝長吟真可憐
城東買竹欲移塵
溪上種秫空求田
餘生飽喫廣陵飯
更擬作詩三十年

送徐州李判官供給後滿歸

千里旌旗接軸轡
王師日久費供需
祇知天下金如土
豈謂人間米似珠
此日論功猶受賞
何人報主肯忘軀
詎無執法如公者
能上封章亦丈夫

輓王彥達

老來正賴君醫我客裏那知我哭君人世
百年脩短定江城一日死生分錦帆徑上
誰家屋龍井莊前處士墳魂魄東西招不
得杏花村落雨紛紛

送詩僧立平山住圖山東遐寺

東遐只在海門東二月西橋送遠公明月
不來過竹下白雲相引到山中早時彷彿
三生會何日風流一咲同少待春暉野花

發新詩還肯寄衰翁

東宮典寶監知事史仲文赴京之
任賦詩二首為餞

宮官此日盛才賢察察光華得妙年東禁
總分清切地前星偏近紫微天朱研玉斗
時開瑤香藝金爐曉奏箴朝覲從容問先
世鄂公忠孝是家傳

又

征車載道馬駟更盡沙頭双玉瓶十月

淮南逢小雪五雲天上望前星龍文符瑤
連函出宦禁簫韶弭節聽鄂國平南好勲
業嘉言何處惜朝廷

三月十八日同饒介之馮仁伯張

道源王柏純者雅集城東李氏園

亭賦此

五月雅集未知還况復夕陽猶在山金刀

刺字碧筠上玉卮行酒青松間三年不見

兵馬息一日且放吾儕間桃花杏花正無

數明朝更約來東關

饒介之懷古有詩見和復用前韻
以答

江水東流去不還幾人不老似青山九洲
目斷蒼烟水萬古魂銷落照間石上鳥啼
松樹合水邊人欵柳巷閑更容野客重携
酒為報園翁莫掩關

二

自笑東園數往還年々詩債積如山身遊

紫陌紅塵外心在青天白日間說劍談玄
俱是錯焚香酌酒不如閑先生自是知機
者莫放聲名動紫闥

送謝參軍朝京二首

萬重玉帛會蓬萊先報中吳進表來內使
傳宣催引見舍人當殿拆封開干戈載載
龍顏喜正朔重頒鳳曆回却袖天香上
騎定分春色到蘇臺

又

霜落平原百草乾出門何處望朝端山林
白髮相逢晚風雪滄江別欲難使命豈辭
行地遠聖恩還復與天寬羣公定問君家
世能為蒼生遠祖安

次饒介之瓊花詩韻

此花超出萬花羣闥檻真如隔彩雲瓊館
曾蒙天一笑玉簫空負月三分溶溶瑞露
通宵下細細香風隔院聞后土祠前春似
夢至今紅袖客紛紛

賦得鉄甕城送楊克明之淮海書

院山長

城郭猶存鐵甕基
英雄曾此重藩維
天連故國山為壘
地設長江水作池
西府尚憑東府壯
今人不讓古今奇
津亭我昔經行處
目送風帆有所思

送姚節卿攝崇明判官

畫省歸來驛路長
玉荆傳道石田荒
一春對酒悲時事
四月乘槎過海洋
殺賊豈圖

金作印轉官行見
綉為裳孤城民瘼思
蘇息回首綸音賜
寵光

和李克約東臯雜興四首

一春開遍雨中花
幾向東園管物華
老太始知身是客
愁來空擬醉為家
江樓簾箔飛香霧
歸寨旌旗綉采霞
曳杖歸來還自笑
夕陽原上數殘鴉

其二

芍藥花開江雨晴
幾時重作看花行
松間

携妓從教俗竹下留賓也自清一夜春愁
無處着三分月色為誰明貧家亦有琴堪
典好把平生意氛傾

其三

閉戶拙于公是非似與江湖蹤跡稀酒中
從令客罵坐冪下却念兒啼飢松江之鱸
固可食沙死有鳥宜高飛干戈滿地正如
此萬水千山何處歸

其四

李家園內好亭臺老去一春能幾回街頭
酒貴我當買陌上花開君不來長繩難繫
白日住清鏡莫掩朱顏催明朝有約速相
就慎勿打碎玻璃杯

送鄭復初赴白沙蔡宅館

翠竹白沙江上春主人應喜得西賓隣翁
送子去就學野老引孫來拜人夜几看書
紅蠟短曉盤供饌白魚新邊塵不到滄州
上我欲相從一問津

送周草窗歸九江

太平宮館化為塵近得麻姑信未真但見
江湖同送旅焉知天地有閒人
匡山白髮歸何晚彭澤黃花賞更新
老去苦無超世術干戈滿地獨吾身

送李周南之浙西道

應辟江南肅政堂君才十倍憲諸郎先公
已向乘驄馬多士今還覩鳳皇
祖帳曉開山木霽宮船夜泊水蒼涼
三吳民力誅求

盡當為明時振紀綱

送王仲沔御史除安慶府判

謫宦南來莫怨嗟府中爭喜判生花
中朝正合持衡鑑御史何曾負國家
未忝陽城官有痺全勝賈誼傳長沙
終令國事還公等會見明廷辨正邪
奉寄余廷心元帥是時出鎮之舒

州

保障江淮數十州中流屹立見君侯
蒼生

幾墮巔崖苦白髮因分社稷憂蟻蝨竟年
生介冑貂蟬今日出堯鑿玉堂應有昌黎
頌刻在龍眠最上頭

輓孫有道處士

廣陵故旧漸消磨白髮傷心奈尔何馬援
車猶在鄉里黃公壚已隔山河百年華屋
春風歇八月荒原夜雨多亂後典君成永
訣幾行哀泪洒烟蘿

八月十五日聞真州官民潰竄道

路蹂躪而死者不可勝言黃軍因
之剽掠則天長六合等處葬為丘
墟矣

白沙消息苦難真軍事危如火上薪老去
未能生報國愁來只與死為隣豺狼夜嘯
逃亡屋豸虎秋驚戰伐塵悵望天長一條
路王師何處渡淮津

閏正月二十日聞泗州盱眙同日
失守

野寨蒼茫落照中東征三載未成功黃金
似土供兒戲白骨如山泣鬼雄天狗星流
軍府動水犀軍散弩臺空于今人力消磨
盡誰念東南府庫窮

輓郁蕙德處士

身閱昇平近九旬至今蕙德動朝紳眼前
耆旧無多傳乱後交遊復幾人龍顧青山
開宅舍宦歸華表離風塵芟原來見兵麾
息相從震車泪滿巾

又

白首其如死別何臨風老淚若懸河耆英
社在晨星少禪智山空夜雨多薤露莫悲
人換世桑田曾見海生波殯宮空對棠梨
發更擬重携濁酒過

寄題西江羅隱君本心齋

江海翩然勇賦歸只從靜裏見天機一經
斷送休了萬事消磨念非隱几不知
流水動閉門常見白雲飛若為同結齋中

友老向蒼山采蕨薇

送淮南省掾王安中北上安中魯

為今上說書秀才

說書妙選近丹墀名姓曾為帝所知主父
徒嗟相見晚長卿母謂不同時淮南曹事
稱仁恕鄴下民謠紀太思自古長才須大
用諸公久待鳳凰池

甲午除夜有懷孟景章
夜窗兒女笑燈前
亂世安居又一年鄰甕

且分藍尾酒客囊從換折腰錢凍消屋角
簣管雪寒壑
爐頭骨拙烟安得重陪孟東
海劇談終夜不成眠

題觀奕圖吳善洲作

仙翁對奕古松根當局机鋒未易論只許
兩先饒日月休將一着賭乾坤滿盤星斗
無人測四角閑河有路存樵子歸來柯已
爛空山寥落又黃昏

王彥芳繡榮堂

色絲不染胭脂井銀漢縹成五色紋織女
机中翻海水諫官衣上綉春雲清嚴地位
人誰到錯綜天章手自分他日錦歸當白
晝江花江草亦欣欣

送澧州王伯顏治中公昔征蠻有功

南荒萬里握戎机共詫君侯奏凱歸出界
旧傳銅作桂過家新喜錦為衣梯航入貢
鯨波遠溪洞消兵羽檄稀今日中原方用

武豈無卿相布天威

輓周古善尊師

看罪瑤花去不還今聞笙霍在雲間十洲
何處留真迹萬古無人出此閨林下故交
同白髮江南舊業只青山丹經已付無為
子月夜猶疑響珮環

沙子中監縣二子善才善慶俱登
第因名其所居之山曰聯桂以
紀瑞也詩以美之

山翁高步月中來
移得靈根手自栽
仙籍許令諸子折
君家先見兩枝開
凌承御宴簪花出
並惹天香滿袖迴
自笑淮南謾招隱
連螭偃蹇老蒼苔

又

桂叢競發山之阿
大株小株秋婆婆
靈鷲峯頭月色薄
烏龍潭上天香多
吳剛持斧不敢近
郝詵對策將如何
豈惟二季在仙籍
諸孫還見援枝柯

和崔元初秋日舒懷感時叙舊情
見乎辭

淮南入幕皆名士
邊上從軍揔貴遊
萬里又勞丞相出
九重獨使聖君優
禾生異畝虛占斗
木落空江欲爰秋
召伯埭前聽報捷
高郵城外解通舟

二

荔薜墻空雨氣深
濕苔滿迳竹森森
城中不得三農信
塞上爭禁十日陰
野佃負薪

多未得隣翁乞米數相尋笙歌飲散者誰
子命駕歸來醉墮簪

三

瀟洒君家錦照堂石泉秋水煮茶香沿池
篠蕩鞭尤潤當戶蒲萄葉半黃東館壞垣
塵莫々西城殘照晚蒼々春時數聽尚書
履幾送池邊月色涼

僧惟善駙馬野雲亭

萬里飛來廣漠雲隨時舒卷故濱紛風中

不見孤飛迹日下都成五色攸從尔所之
占隱者更堪持以獻吾君明時用汝為霖
雨先向東南洗惡氛

六月二日書所見

干戈滿地起風塵民物凋零府庫貧黃犢
烏糲烹作食雕梁画棟拆為薪江淮經理
須賢俊草澤誅求到隱淪謾道寬心應是
酒老夫三日不沾唇

小軒有菊一本盛開兩花大如酒

孟饒介之見而愛之連賦詩二首
因次其韻

菊下呼兒典緼袍相看無酒目空蒿
兩花迭出金盃大數葉輕攢翠羽高
就手折來香澹、滿頭簪得樂陶、
麴生有意來相覓留得芬芳荐蟹螯

又

滿庭香風吹客袍却勝秋野醉攢蒿
東籬隱者世不泯南陽老人年最高
大白盃中

多趣味中黃內幾鈞陶莫令兩後荒
三徑更趨霜前斫兩螯

安慶大節堂至正十二年既陷武
昌江州諸郡俱各失守時韓功懋
總管守安慶指禦有方江淮賴為
屏蔽廷心余帥書大節于堂以旌
武功

戰勝非難守勝難逆圖未伐胆先寒
焉知天下無諸葛始信軍中有一韓
當日雷霆

歸號令至今烽火報平安雄文大扁同時
出大鄴名堂後代看

次饒介之述懷佳作

讀書不致卿相事生計或與樵漁同杜門
真是守株者傍人過呼居童翁今晨把鏡
野服好有月無酒山瓢空綠陰滿地鳥聲
罷向日獨有葵花紅

千古萬古道理大海內海外車書同青山

看世等過客白髮催人吾已翁干戈三載
道路斷斤斧一朝林野空西軒拭泪付長
嘆悵望夕陽天際紅

題太湖李尹所收余廷心元帥書

二封

兩函妙墨古所見一代高風人未知用兵
不下羊叔子食粥正如顏太師今日澄清
在我輩長江保障非公誰更煩令尹回州
日補入舒人遺愛碑

送拔寔彦卿被召之翰林直學士
天上仙人紫綺裘偶題明月到揚州日邊
使者徵方急泉下姦臣死亦羞宣室正思
前席問淮南誰賦小山幽玉堂信與人間
隔肯為瓊花更少留

夜泊長橋

十丈虹蜺跨碧空行人過此莫匆匆
吹浪來船尾明月流光出海東
唇齒近邊廷諸將腹心同豐碑屹立書何

事特紀當年謝傳功

燈下有感

城郭空虛鳥亂鳴彩旗拂柳夕陽明
樂土非疇昔兵火殘民思太平
無舊主野花滿地有餘情一尊酌月悲歌
後搔首燈前百感生

金溪葛氏二孝烈女祠

葛女祠前薦荔蕉藤花風雨急飄蕭翠鞞
五夜靈氛下銀穴千年寶氣銷太史已聞

書孝烈遺民無復因征徭絳唇朱袖歸黃
土惆悵何人說二喬

居竹軒三卷終



卷之四